

ՄԱՄՈՒԼԻ ԵՎ ՀՐԱՊԱՐԱԿԱՆՈՍՈՒԹՅԱՆ ՆՇԱՆԱԿՈՒԹՅԱՆ
ՆԱԼԲԱՆԴՅԱՆԱԿԱՆ ԸՄԲՈՆՈՒՄԸ

ՄԻՔԱՅԵԼ ՀԱԿՈՐՅԱՆ

Անցած դարի 50—60-ական թվականները կարելի է համարել հայ մամուլի և հրապարակախոսության իրական լինելության համար մղված պայքարի, նրանց դերի ճիշտ ըմբռնման ու գործադրման տասնամյակներ: Պայքարով է գոյատևել հայ մամուլը, հաճախ նույնիսկ ամեն մի պարբերական, պայքարով է նաև հայ առաջադիմական-դեմոկրատական մամուլը մտել իր դերի մեջ:

Այդ պայքարում իր որոշիչ դերն ունի հեղափոխական-դեմոկրատ Միքայել Նալբանդյանը՝ ոչ միայն մամուլին բերած իր աշխատակցությամբ ու հրապարակախոսությամբ, որ մեր մամուլի պատմության պայծառագույն էջերն են կազմում, այլ նաև պարբերական մամուլի ու հրապարակախոսության խնդիրների ըմբռնմամբ և մեր իրականության մեջ նրանց իրավունքների հաստատման համար ծավալած գրեթե ամենօրյա պայքարով: Տևական ու դժվարին պայքար էր այդ, որ զբաղեցրել է Նալբանդյանին իր կյանքի գրեթե ամբողջ ընթացքում: Տակավին չհետազոտված այս հարցի լուսաբանումը շահեկանորեն կնպաստի Նալբանդյանի գործունեության առավել լրիվ ըմբռնմանը, նոր դիտակետից ելևան կհանի մեծ հրապարակախոսի հայացքները մամուլին և հրապարակախոսությանը ներկայացվող պահանջների ոլորտում, կընդգծի այն դերը, որ նա խաղացել է հայ պարբերական հրատարակությունների հասունության տարեշրջանում, այն ավանդների մշակման ու ամրապնդման գործում, որոնք ժառանգեց և զարգացրեց հայ առաջադիմական մամուլը հետագայում¹:

Մամուլը Նալբանդյանի ուշադրության առանցքում է եղել հենց առաջին երկերը գրելու տարիներից: Դեռևս ուսանողական նստարանին գրած հայտնի ճառում՝ «Ցաղագս հայկական մատենագրության» մեջ, որ Նալբանդյանի հրապարակախոսական սկզբնաքայլն է, բավական տեղ տալով նաև պարբերական հրատարակություններին, նա փափագում էր՝ «եթե թիվ ողջուն օրագիրք մեր նովին ընթանային կանոնօր, դնելով առաջի Հայկական ազդին մաքուր ...զհոգեղէն կերակուրս»²: Դրվատանք կամ դիտողություն հղելով այս

¹ Թեմայի լուսաբանմանն առավելապես մոտեցել է Ա. Տերտերյանը «Միքայել Նալբանդյան: Ազգության հրապարակախոսը» աշխատության մեջ, որ հրատարակվել է Ալեքսանդրապոլում, 1910 թ.:

² Մ. Նալբանդյան, Երկերի լիակատար ժողովածու, հ. 2, Երևան, 1947, էջ 44: Այսուհետև սույն հրատարակությունից արվող մեջբերումները (հ. 1—4, Երևան, 1940—1949) տե՛ս տեքստում՝ փակագծերի մեջ նշվում են միայն հատորը և էջը:

կամ այն թերթի հասցեին, նախանդյանը ղննում է «Բազմավեպ» և «Ծվրոպա» պարբերականները, սուր ակնարկներ է նետում վերջինի և միսիոներական օրգան «Շտեմարան պիտանի գիտելիացի» մասին. «Ծվրոպա» լրագիրը տարածում է «զանալի կարծիս և զդատողութիւնս Արեղայամիտ հեղինակացն», իսկ «Շտեմարանում» իսպառ բացակայում են «զատողութիւն այրական, իմաստ և կարծիք, գաղափարք կենդանիք և հայեցողածք յազգս ազգս գիտութեանց», այսինքն՝ հենց այն, ինչով «լուսավայլին միտք և սնանի հոգին» (հ. 2, էջ 46)։

Այս հարցադրումներում արդեն առկա է մամուլի գերի նախնայանական նախաըմբռնումը։ Ավելին. հենց այստեղ էլ նա առաջ է քաշում հայ հրապարակախոսության արմատական խնդիրը՝ «աղեղունք լարեալ վանել և խորտակել զամենայն նենգ և մանդ ոչխարազգեստից», բացահայտել «հայկական ողորմ տգիտութիւնը... քաղցկեղ, որ ճարակ է և զառողջ մարմին ազգին»։ Կոնկրետ առիթով այսպիսի խնդիր առաջադրելով, ինքը նախնայանք եղավ այդ խնդրի իրագործման համար առավել մեծ եռանդով պայքարող հրապարակախոսը և հյուսիսամիայլյան մարտադաշտի քաջաբար մարտնչողը։

Լինելով հայ կյանքի և իրականության հարազատ ծնունդը, նախնայանքը դարձավ այդ իրականության բազմակողմանի և համայնապարփակ արտահայտիչը՝ նախ և առաջ հանդես գալով իբրև հրապարակախոս, որ գրում է իր ժամանակի պատմությունը՝ ասպարեզ ունենալով մամուլը՝ իրօրյա հայ մատենագրության անբաժանելի ճյուղը։

50-ական թվականների սկզբին այդ մամուլը դեռևս սաղմնային վիճակում էր, և հասարակական լայն կյանքի ասպարեզում նոր-նոր ոտք դնող նախնայանքը լավ էր ըմբռնում այդ։ Դրա համար էլ նա իր առաջին հրապարակային խոսքում շտապում էր գրվատել Զմյուռնիայում հրատարակվող «Արշալույս արարատյան» (սխալմամբ անվանելով «Ազգասեր») և Կ. Պոլսում լույս տեսնող «Նոյան աղավնի» և «Մասիս», ինչպես և «գիտնական հայրենակից» Մ. Թաղիադյանի հեղինակած «Ազգասեր» թերթերը։ Դրանով հանդերձ նա տեսնում էր, որ ասպարեզը խոպան է, ըմբռնում էր, որ հայ մատենագրության, հետևապես նաև մամուլի «մեջ կյանք և կենդանություն» չկա։ Անհրաժեշտ էր, ինչպես գրում է նա, ստեղծել «զանազան լուսավոր գաղափարներով հարուստ շարունակ օրագրություններ», որոնք հասկանալի լինեն ժողովրդին, ունենան ինքնուրույնություն և հենվեն կայուն սկզբունքների վրա։

Ըմբռնումն այն բանի, որ հայոց կյանքը միանգամայն անապատացած է, նախնայանքին բերեց հրապարակագրության ասպարեզը. «Ծրկար ժամանակ է,— գրել է նա 1856 թ. մարտին,— որ ես և պարոն նազարյանցն ցանկանում էինք դուրս տալ մի հայկական օրագիր, աշխարհաբառ լեզվով հասարակին հասկանալի» (հ. 4, էջ 38)։ Տակավին ուսանողական նստարանից լծվելով նոր պարբերականի ստեղծման գործին, նոր՝ նախ և առաջ իր էությունամբ, և հանդես գալով իբրև նրա գլխավոր գործակիցը, նախնայանքը գիտակցում էր, որ նոր պարբերականն ուղղված է լինելու «հնամուլ մարգերի» դեմ, որ այն լինելու է ապացույց՝ «թե ժողովուրդը փոքր ի շատե, ճանաչել է ժամանակի իրավունքը»։ «Մեր ցանկությունը այն է,— շարունակում է նախնայանքը մտերմական նամակում,— որ կարողանանք ժողովրդին մո-

տեղեկությունները ինչ դպրության հետ, նյութ և սնունդ դնել հայկական շոր ու ցամաք դպրության մեջ, և ինչպես մի կողմից լեզուն, մյուս կողմից և նույն ինքյան դպրության հոգին և ուղղությունը որքան կարելի է շինենք ժողովրդական, ազատելով արեղայականությունից, որի մեջ մնացած է այժմ անտեր անտերունը» (հ. 4, էջ 39—40)։

Այսպիսի նախասկզբունքով ոտք դնելով մամուլի ասպարեզը, Նալբանդյանը իր տաղանդն ամբողջապես ի սպաս դրեց «հայկական օրագրին»՝ «Հյուսիսսփայլին», որ արևելահայ իրականության մեջ սկզբնավորեց նոր՝ ժողովրդական-դեմոկրատական մամուլը, մարտական-հարձակողական հրապարակախոսությունը՝ գլխավորապես հենց Նալբանդյանի աշխատակցության շնորհիվ։

Իր գործունեությամբ «Հյուսիսսփայլը», իսկ Նալբանդյանն իր հրապարակախոսությամբ փաստորեն ուրվագծեցին այն մայրուղին, որով ընթացան հայ առաջադիմական-դեմոկրատական մամուլը և հրապարակախոսները գրեթե մի ամբողջ հիսնամյակի Նրա էջերում հրատարակած իր երկերով ու հոդվածներով, նրա գոյատևման և առաջադրած սկզբունքների համար մղած տևական պայքարով Նալբանդյանը միաժամանակ մշակում էր այն հիմնարարական տեսակետները, որոնք պետք է դրվեին հայ մամուլի և հրապարակախոսության հիմքում։ Ամենատարբեր առիթներով և զանազան ժանրերով գրած իր նյութերում, սկսած նրա հրապարակախոսական ամենից ծավալուն երկից՝ «Հիշատակարանից», մինչև Գևորգ Գեղամյանցի մահախոսականին կցած ծանոթագրությունը կամ բանտախցից գրած նամակները, Նալբանդյանը հետևողականորեն արծարծում էր մամուլի դրվածքի հարցերը, կարծիքներ հայտնում թերթերի ու ամսագրերի խնդիրների շուրջը, քննում հրապարակախոսության և հրապարակախոսի գործունեության ելակետային ըմբռնումները։ Նրա արտահայտած գաղափարների մեկտեղումը լիակատար պատկերացում է տալիս, թե ինչպիսի դեր էր հատկանշում հայ ականավոր հրապարակախոսը, հեղափոխական-դեմոկրատ գործիչը հայ մամուլին ու հրապարակախոսությանն իր ժողովրդի պատմության մեջ ու ճակատագրի խնդրում։

Հայտնի է, որ հետադիմական մամուլը և նրա խմբագիր-հրապարակագիրները, ինչպես ի սկզբանե կանխատեսում էր Նալբանդյանը, ծառացան «Հյուսիսսփայլին» ու նրա գլխավոր աշխատակցի դեմ։ Հակահարված տալով նրանց, պարբերաբար հանդես գալով ընդդեմ «Մեղու Հայաստանի», մխիթարյան մամուլի, «Երեւակի» ու Հովհ. Չամուռճյանի, «Ընթացիկի» ու Մսերյանների, ինչպես նաև մի շարք այլ պարբերականների, Նալբանդյանը կոնկրետ նպատակներ հետապնդելով հանդերձ պաշտպանում էր մամուլի և ժողովրդի իրավունքը, պարզաբանում ու հիմնավորում նրանց դերը, առաջ բաշում սկզբունքներ։ Դրանք թելադրված էին առաջադիմական-դեմոկրատական մամուլի և առաջին հերթին ռուսական մամուլի նվաճումներով, ինչպես և այն փորձով, որ մատուցել էին հայ մամուլը, մասնավորապես Հընդկաստանում Մ. Թադիսյանի հրատարակած «Ազգասեր» և «Ազգասեր արարտյան» (1845—1851) թերթերը և Փարիզում լույս ընծայված Ստ. Ոսկանյանի «Արևելք» (1855—1856) ու «Արևմուտք» (1859, 1864—1865) հանդեսները, ինչպես և Հ. Սըվաճյանի «Մեղուն» (1856-ից)։

Ինչպես ժամանակաշրջանն էր թելադրում, նախնայանքը ամենից առաջ և ամենից շատ ուշադրություն էր հրավիրում մամուլի լեզվի վրա, որպես ընթերցողին հասկանալի լինելու պայման: Մինչև իր կյանքի վերջին օրերը զբաղվելով լեզվի հարցերով և մեծ ավանդ բերելով աշխարհագրորդ հաստատմանն ու մշակմանը, նա պարբերական հրատարակության որոշիչ հատկանիշը համարում էր լեզվի հասկանալիությունը «հասարակին»՝ ժողովրդին, որի օգտին պիտի ծառայի ամեն մի պարբերական: «Հասարակաց լեզվով» մամուլը կոչված է գիտությունը հասցնել հասարակ մարդկանց և կամուրջ լինել դեպի լուսավորությունը տանող ճանապարհին: Ազդարարելով այդ մասին, նա ռուսական «Մովլա» թերթում 1857-ի վերջերին հրատարակած նամակում պատշաճն է հատուցում «Հյուսիսսփայլի» ապագա խմբագիր-հրապարակախոսին, որն առաջինը «հասկացավ հայերին միջնադարյան կապանքներից ազատելու անհրաժեշտությունը և, նկատի ունենալով ժողովրդի ժամանակակից կենսական պահանջները, ազդարարեց հայկական կենդանի խոսքի իրավունքն իբրև հայի մտքի և զգացմունքների արտահայտության բնական միջոց, իբրև գիտության, լուսավորության առաջմղիչ արմատական պայմաններից մեկը»³:

Լեզուն միայն միջոց էր. առավել կարևոր էր նպատակը: Հենց «Հյուսիսսփայլի» երկրորդ համարում նախնայանքը հուշակեց մի կարևոր սկզբունք. «Մեք որպես ուսումն և խրատ ամեններես համար, պարտական ենք տեղեկանալ մեր բարոյական ցավերին ու խոցերին, և այդպես վեր քաշել մի վարագույր, որի տակ ամենայն զգուշությամբ աշխատում էին տգետ մարդիկ թագուցանել ճշմարտությունը» (հ. 2, էջ 151): Դա ժամանակի մեծ լուզուիզն էր՝ պատռել այն վարագույրը, որի տակ թաքնված է ճշմարտությունը: Նրան հայտնի էր, որ «ենդսիրտ, պղտոր տեսությամբ պարոնները» բամբասելու են, դատաստանի են կանչելու, բայց մեկընդմիջտ զինվորագրվելով ճշմարտությանը, նա մի ամբողջ տասնամյակ մնաց նրա աներեր ռազմիկը. նախնայանքի գրչին պատկանող գրեթե բոլոր գործերը, ներառյալ նաև անձնական նամակները, դրոշ են պարզված հանուն ճշմարտության՝ ընդդեմ կեղծիքի ու բոլոր գույների վարագույրների: 1858 թ. ասյրիլին «Հյուսիսսփայլին» սեփական ստորագրությամբ հղած նամակում, ապա և «Հիշատակարանի» 5-րդ հատվածում նա ցույց է տալիս, որ մարդկության պատմության բոլոր դարերում էլ ընդդիմության ու հակառակության են հանդիպել «հանճարեղ մարգերի լուսավոր մտածությունը և քարոզությունը», չի եղել որևէ ժամանակ, որ «տգիտությունը և խավարը ոսոխ եղած չլինին ճշմարտության լուսի ընդդեմ»: Միշտ է ճշմարտությունը պատերազմով հաղթել և «նա է մարդը, որ արհամարհելով ամենայն ունայնություն, կտրիճի պես կանցանն այն նիւ ու փշոտ ճանապարհից, դիմելու համար դեպի ճշմարտության կենդանարար աղբյուրը» (հ. 1, էջ 357):

Ճշմարտություն և պատերազմ: Լայն ու խորիմաստ է դրանց նախնայանքանական ըմբռնումը: «Աստվածային ճշմարտության» համար, «հայի առաքելու կոխված իրավունքը» վերականգնելու և պաշտպանելու համար՝ «ոչ միայն բանիվ և գրչով, այլ և զենքով և արյունով» մարտնչելը համարելով յուրաքանչյուր կանոնավոր մարդու առաջին պարտքը, իսկ մամուլը դիտելով իբրև հանուն դրա մղվող պատերազմի միջոց և ասպարեզ, նախնայանքն ա-

³ ՀՍՍՀ ԳԱ «Տեղեկագիր» հաս. գիտ., 1954, № 5, էջ 80.

ռաջ 1, քաշել և բազմակողմանիորեն զարգացրել ու հիմնավորել ճշմարտությանը երևան հանելու և «սուրբ պատերազմ» մղելու այն մեծ սկզբունքները, որոնք տեղական կենսունակություն ունեցան և այսօր էլ չեն հնացել:

«Հիշատակարանի» հենց առաջին էջերում Նալբանդյանը հռչակեց. «Ինչու և փախչենք յույսի տակ քննելուց մեր ազգային գործերը, ինչու սիրենք խավարի վարադուրով ծածկել մեր վերքերը, որոնք այսքան տարիներ թաքուն մնալով բժիշկներից, կարոտ ևն այժմ մեծամեծ վիրաբուժական հնարների Այնպես է, մեր քարոզած ճշմարտությունը գուցե թե կտրատում է ազգի սիրտը, բայց այդ ուրիշ միակ հնար է փտած և ճարակած խոցը առողջ մասներից բաժանելու և հեռացնելու համար» (հ. 1, էջ 306—307): Ըշմարտության վերահանումը, այլ կերպ ասած մամուլում ազգային պակասությունների բացահայտումը, նպատակ ունի ոչ թե պախարտելի ազդը, չարախնդությամբ նրան անարգել, ինչպես ամենուր բարբաջում էին հակառակորդները, այլ հետապնդում է նրա խոցերը վիրահատությամբ բուժելու մեծ ու հայրենասիրական խնդիր: «Այլ պակասություններ,— գրում է Կոմս էմմանուիլը,— ծակում են իմ սիրտը, և շատ արտասուքի պատճառ են դառնում... ինչ-որ խոսում եմ, խոսում եմ որպես պաշտոնյա ճշմարտության», իսկ «ճշմարտությունը հասարակաց սեպահականություն է»: Բացահայտելով ճշմարտությունը, մամուլը և հրապարակախոսը, ինչպես խորապես համոզված էր Մ. Նալբանդյանը, օգնում էին, որ «ազգի սրտացավ անգամքը» ուղի որոնեն, բուժեն վերքերը: «Արյուն է կաթում մեր սրտից, երբ նայում ենք ազգի ամալի և ամուլ կյանքի վերա»,— գրում էր նա (հ. 3, էջ 29) և բանաձևում՝ «Այլ է ազգը, և այլ է ազգի պակասությունը» (հ. 1, էջ 373): Հետևապես,— գրում է Նալբանդյանն այնուհետև,— «ամենայն բանիմաց և ճշմարտասեր հայի վերա պարտականություն կա պատժել և պատուհասել բերանով և գրչով ազգի պակասությունը...» (հ. 1, էջ 315): Ահա ինչու նա ազդարարում էր, որ իր պարզած դրոշի վրա գրված է հրեղեն տառերով «ճշմարտություն»:

Սկզբունքային կարևոր նշանակություն ունեւ Նալբանդյանի «Նկատողությունը» վերնագրով հոդվածը, որ հրատարակվել է «Հյուսիսսփայլի» 1858 թ. 10-րդ համարում՝ իր իսկ ստորագրությամբ (հ. 2, էջ 254—264): Այստեղ նա ի դեմս «Հյուսիսսփայլի» հիմնավորում է մամուլի իրավունքը և նրա «խորհուրդը մատենագրական ասպարեզում», զարգացնում է այն հիմնարարական դրույթը, որ Նալբանդյանի հրապարակախոսության անփոփոխ նշանաբանն էր: Ազգային լրագրերն ու օրագրերը, արձանագրում է Նալբանդյանը, չեն կատարում իրենց խնդիրը, իրենց էջերը լցնում են «այնպիսի բաներով, որ կապակցություն չունենին մեր ազգի ներկա հարկավորությունների և օգուտների հետ»: Նախախնամությունը «հայկական անմխիթար անապատի մեջ» ծանր, բայց... քաղցր լուծ» է դրել «Հյուսիսսփայլի» վրա: Ազգը ինքնամոռացության մեջ է և գնում է դեպի «հավիտենական անդունդ»: Ահա ինչու «Հյուսիսսփայլի» շուրջը համախմբված հրապարակախոսները «բարձրացնում են ճշմարտության դրոշակը... հրավիրելով դեպի արթնություն, հսկողություն և գործունեություն... Հյուսիսսփայլը,— համարձակ Հյուսիսսփայլը... ճեղքում է, պատում է մի հազար կարկատաններով թանձրացուցած վարագույր, որի տակ ամենայն խնամքով թաքուցած էին խավարապաշտները մեր ազգի բարոյական խոցերը և վերքերը»: Դա է մամուլի, ամեն մի պարբերականի, յուրաքանչյուր հրապարակախոսի խնդիրը: «Ա-

ոանց այսպիսի խնդիրների մոտենալու օրագիրը կյանք չունի, այս կենդանի և շարժուն խնդիրները հոգի են մի օրագիր ասացյալ մատենագրական գործունեության: Մամուլի աշխատակիցներից նրանք են միայն արժանի բարոյական վարձատրության, ովքեր «ամենայն բան զոհ բերելով ճշմարտության, ընթացք էին տալիս այս խնդիրներին»: Մարդկության վիճակի բարփոքմանը նպաստող խնդիրներ բարձրացնելով և դրանց լուծումով մամուլում ձեռք են բերվում «ավելի մեծ հաղթությունք, քան թե պատերազմի դաշտումը» (հ. 2, էջ 254, 255, 256):

Նալբանդյանն իր արժարժած գաղափարները հիմնավորելու և «խավարալաշտների բամբասանքին» կանխապես հակահարված տալու համար անդրադառնում է ազգի ցիրուցան վիճակին, ազդ հասկացությանը, նրա միասնությանը, մասնավորապես շեշտում այն «հարակցությունը», «անընդհատ և կենդանի կապակցությունը», որ պիտի հաստատվի ազգի գրագետ մասի և հասարակ ժողովրդի՝ «հեղինակի և ընթերցողի մեջ»: Այս դեպքում՝ «մինը—խելացի կերպով տալով, իսկ մյուսը—խելացի կերպով ընդունելով», գլուխ է գալիս հասարակաց գործը: Ինչ վերաբերում է ազգին, ասլա «ազգը պիտո է ունենա ազգություն», որովհետեւ «մի ազգի սեպական ազգությունը հնար է տալիս նորան հասկանալ ուրիշ ազգությունք, և ուրիշ ազգությունները հասկանալով և գնահատելով չքանում է մի ազգության եսական, ֆանատիկոս և անմարդի բնավորությունը: Որ տեղում չքանում է ազգությունը, այնտեղ չքանում է նյութապես կամ բարոյապես և ինքը ազգը... Ոչ մի ազգություն իրավունք չունի կուլ տալու և ոչնչացնելու մի ուրիշ ազգություն... Արդարությունը պահանջում է խոստովանել ամենայն ազգություն... Թո՛ղ ամենայն ազգ պահպանե յուր՝ ազգության կերպարանքը, Թո՛ղ ազատ և պայծառ ծաղկի ամենայն ազգություն մարդկեղեն աշխարհի մեջ» (հ. 2, էջ 258—259):

Այս սկզբունքից էլ բխում էր Նալբանդյանի պահանջը մամուլից ու հրապարակախոսից՝ ազգի առջև դնել նրա անցյալը և ներկան՝ «եփած կրիտիկայի կրակով», նրա կոչը՝ առաջ բերել «միաբան և խելացի շարժողություն», «մտավորական պատերազմ»: «Մեր ազգի մեջ այժմ կան հայացքներ, կան ուղղությունք, կան ուրեմն և դրոշակներ, կա պատերազմ... Պատերազմը հետեանք է շարժողության, իսկ շարժողությունը— կյանք է»,— գրել է Նալբանդյանը՝ դիպուկ կերպով բնութագրելով իր ժամանակի հայ հասարակական մտքի պատկերը: Պետք չէ որեւէ խաղաղություն, «ամենայն հաշտություն և միավորություն» մերժելի են՝ մանավանդ որ դրանք ձեռք են բերվում զիջողությամբ. «Ո՛չ, Թո՛ղ յուրաքանչյուր կողմը առանց բռնադատական զոհաբերության, և առանց ամենայն բռնադատական կամակորության գործ դնե յուր բոլոր զորությունը, յուր մտքերի բոլոր խորությունը, այդ ժամանակ միայն կարող է հայտնվիլ կատարյալ և վճռական հաղթությունը. պատերազմը այն ժամանակ կարող է հասնել յուր պայծառ և պտղավետ նպատակին... Գինին մինչև չխմորվի և չպղտորվի, չէ պարզվում» (հ. 2, էջ 262, 263):

«Օրհնյալ է պատերազմը, Թո՛ղ լինի նա հզոր, անխնա, ազնիվ և բարեխիղճ»,— այս էր Նալբանդյանի պարզած դրոշը հայ մամուլի և հրապարակախոսության «ռազմադաշտում», որտեղ նա և մարտիկ էր, և զորահրամանատար՝ ստրատեգիական իր ծրագրով՝ լուսավորության տարածմամբ հասնել այն բանին, որ «մարդու մեջ կատարվի մի հեղափոխություն—վերա-

ձեռնարկություն», որ նրա հունդերը «շարժողություն պատճառեին հողի մեջ և ատուղ տային» (հ. 2, էջ 264)։ Նա քաջ գիտեր, որ «նորը պատերազմով պիտի կանգնեցնեի իր գրողակը հնության ավերակների վերա» (հ. 3, էջ 15)։

Այսպիսով, մամուլը նախադրանքի ըմբռնմամբ այն կամուրջն է, որ ժողովրդին տանում է դեպի լուսավորություն, այն սուրբ, որ պատռում է խավարի վարագույրը և «անկաշառ ճշմարտապաշտության մարտնչում ճշմարտության համար, հարուցում է «մտավոր պատերազմ» ու ցանում հունդեր, որոնք պետք է ծլեն, պատուղ տան և զաղափարական հեղափոխություն առաջացնեն։ Մամուլի դերի այսպիսի ըմբռնումը, որ եզակի է դարակիսի մեր իրականության մեջ, չի սպառում, սակայն, այն խնդիրները, որոնք նախադրանքի շահակալում էր նրա հետ։ Կարծես լրացնելով իր միտքը, «Հյուսիս-սիբիրի» հենց հաջորդ՝ 11-րդ համարում նա դարձյալ իր ստորագրությամբ հրատարակեց «նամակ առ հրատարակողը» խորագրով հոդվածը (հ. 2, էջ 265—273), որտեղ ծառանայով «հանցանքը առաքինություն քարոզելու» դեմ, մատնացույց է անում հայի իրավազրկությունն ու հալածական վիճակի հղի պատճառներից մեկն էլ բացատրում «մինչև այսօր մեր ազգի մեջ հրատարակախոս բերան չլինելով»։

Մեծ աղմուկ հանած այդ հոդվածում նախադրանքն աներկյուղ գրչով արձանագրել է, որ «ամենայն տեսակ վատթարություն, անկարգություն» մնում են անպատիժ, չեն ընկնում «գրչի դատապարտության տակ», որ հարուստը և իշխանություն ունեցողը, թեկուզ ոճրագործ, անդատապարտելի են, նույնիսկ ազգասերի անուն են վաստակում։ Հասարակության լուրջումը և ստրկամտությունը՝ ոգևորում և ուժ է տալիս «հայակերպ և գիշերադեմ վամպիրներին»։ «Հյուսիսսիբիրի» երևան գալով, սակայն, նոր հնարավորություն է բացվել։ «Բայց պիտի է մի օր դուրս գալ այս խավար դրության միջից, պիտի է ճանապարհ տալ հրապարակախոսությանը և մեր ազգի մեջ՝ Փառք աստծո, կսւ այժմ մեր մեջ մի հասարակաց բերան» — «Հյուսիսսիբիրի»։

Մամուլը դիտելով իբրև «հասարակաց բերան», նախադրանքն տեղնուտեղն էլ սահմանում է իրօրյա հրապարակախոսության վեհ խնդիրները, որ պետք է իրագործի հենց «Հյուսիսսիբիրի»՝ դառնալով «հրապարակական դատաստան», բուն հրապարակախոսության ասպարեզ։ Նախադրանքը գրում է. «Թող նա կատարե այդ պաշտոնը, թող նա լցուցանե յուր վեհ կոչման պարտքը, լինելու ազգային դատախարակության սպասավոր։ Թող իրոսե նա անդադար, թող բարձր ձայնով քարոզե նա և լավը և վատը... Թող վերջապես ազնիվ սրտերը, որ գտնվում են հայոց ազգի մեջ, մի փոքր մխիթարվին տեղանքով վատթարության դատապարտվիլը բանականության ատենի առջև։ Թող և շարագործ և եղեռնագործ մարդիկ զգաստանան տեսանելով, որ մի անմեղքելի ձայն հետևում է նոցա քամակից, մտանում է նոցա հետ նոցա ամենածածուկ խորհուրդների մեջ և նոցա միմյանց ականջին խոսածը քարոզում է տանիքների վերա։ Դարձյալ փառք աստծո, որ մեր ազգի մեջ գրտնըվեցան այնքան ազնիվ մարդիկ, որ ցանկացան մի հասարակաց բերան ունենալ ազգի համար, մի հրապարակական դատաստան... Մենք երջանիկ ենք քան թե մեր հարքը և պապերը...»։

Կոնկրետ նշելով «նվիրական» «Հյուսիսսիբիրի» և նրա հրապարակախոսության խնդիրները, նախադրանքն մեծապես ընդարձակում էր մամուլի

իրավասութեան շրջանակները, նրան օժտում հասարակական ատյանի իրավունքով: Դա չէր հարմարվում այն կաղապարին, որի մեջ մինչև այդ դրված էր հայ հասարակութիւնը և նրա մամուլը: Եվ իզուր չէ, որ հետագեմ մամուլը՝ մասնավորապես «Մեղու Հայաստանին», բազմապատկված ջանքերով հանդես եկավ նախնականի այդ հոգվածի, «Հյուսիսափայլի» և հենց իր՝ նախնականի դեմ: Իզուր չէր նաև, որ էջմիածինը իրար խառնվեց ու գործը հասավ մինչև ցարական երրորդ բաժանմունք: Ինչպես և իզուր չէր, որ «Նամակը» անմիջապես արտատպվեց Ստ. Ոսկանյանի «Արևմուտքում»՝ ստանալով համահայկական հնչողություն ու պաշտպանություն: Հայ մամուլը և հրապարակախոսությունը իրենց դերի նախնականական ըմբռնմամբ թոթափում էին այն զսպաշապիկը, որ կաղապարել էր նրանց. թեև զամբի, միտքը տոշորել:

Մ. Նախնականի մեծությունը, անշուշտ, իր առաջ քաշած գաղափարների, իր ընդհանուր գաղափարախոսության մեջ է: Բայց նա նույնքան հզոր է նաև իր առաջադրած սկզբունքների հետևողական կիրառմամբ ու մարտական պաշտպանությամբ, որի զագաթնակետը եղավ անգերազանցելի «Երկու տողը» (հ. 3, էջ 15—37)՝ շունգալի իր պաթոսով և անխոցելի մարտունակությամբ: «Հյուսիսափայլից» հետո նա իր հզոր պաշտպանությամբ ամրապինդ հենարան է ծառայել Հ. Սրվաճյանի «Մեղուին»՝ արևմտահայ գեմոկրատիայի մարտական օրգանին: Հայտնի են նախնականի բազում անդրադարձները «երիտասարդների և կենդանի ժողովրդի մաքուր բերանին», որոնք ցրված են նրա մի շարք երկերում և հատուկ այդ նպատակով գրված հոդվածներում, մասնավորապես հրաշունչ և մամուլի ու հրապարակախոսի իրավունքները հենց ազգային գործիչներից վեհապես պաշտպանող «Ազգային թշվառության» մեջ (հ. 3, էջ 103—115): Ուստի և այստեղ կանգ առնենք երկու ընդհանուր օրինակի վրա:

Գտնվելով Կ. Պոլսում, նախնականը տեղեկացավ այն արտառոց ոճագործություններին, որ գործել է Վանցի Պողոս վարդապետը: Մի շարք նյութերով «Մեղուն» մերկացրեց վարդապետին և պահանջեց նրան զրկել եկեղեցական կոչումից: Չնայած Վանցի Պողոսի քրեական հանցագործություններն անհերքելի էին, հանձին չուէ. Չամուռճյանի գտնվելին պաշտպաններ, իսկ պատրիարքարանը վճռական միջոցների չէր դիմում: Եվ ահա «Մեղուն» դիմեց արտառոց քայլի՝ հրավիրեց ընթերցողներին արտահայտվել իր վճռի մասին, այլ խոսքով դիմեց հասարակության օգնությանը: Առաջիններից մեկն աբդազանքելով թերթին, նախնականը «Մեղվի» հաջորդ՝ 1860 թ. դեկտեմբերի 20-ի համարում հանդես եկավ «Նամակ «Մեղուի» խմբագրին» (հ. 2, էջ 302—306) հոդվածով՝ լիովին ու մարտունակությամբ պաշտպանելով թերթի դիրքը:

Բայց հարցը միայն պաշտպանությունը չէր. նախնականը համակրանքով արձանագրելով, որ «հայոց ազգի մեջ դեռ առաջին անգամն է, որ մի օրագիր, յուր վճիռը հրապարակելով, խնդրում է բանավոր հասարակության կարծիքը», առաջ քաշեց մամուլի համար չափազանց կարևոր մի նոր սկզբունք: «Անպատմելի ուրախ ենք այս բանի վերա, — գրել է նա, — մեք այստեղ տեսնում ենք մի փրկարար սկզբունք, այն է հանդես տալ ազգի կարծիքին, ուրեմն հրապարակ կանչել խելքերը, խոստովանել նորսու իրավունքը և

այս կերպով ուսուցանել, որ ազգի մեջ երևեցած ամեն մի երևույթ, ամեն մի իրողություն վերաբերություն ունի ազգին, և ազգի անդամքը... ամենայն մարդկային իրավունքով աղատ են այդ բանը ընդունել կամ մերժել, արդարացնել կամ պարսավել»:

«Խող ապրի՝ հրապարակախոսությունը»,— հռչակում է նախնայանը և ապա բանաձևում. «Ազգի պակասությունը խոստովանել կամ դատապարտել ոչ թե միայն հանցանք չէ, այլ առաքինություն, Ամենայն ազգային անգամ,— շարունակում է նա,— ինչ շտիով պարտական է սիրել յուր ազգը, նույն չափով պարտական է նշավակել և սպանել նորա պակասությունը, որպեսզի ազգությունը, ավելի մաքուր շրջանակի մեջ հանդիսանա ընդհանուր մարդկության առաջն»:

Լիովին համերաշխ լինելով «Մեղվի» հետ, նախնայանը, այսպիսով, հայ մամուլին մատնացույց էր անում նրա հռչակած «փրկարար սկզբունքը». որ պետք է դրվի ամեն մի առաջադիմական-դեմոկրատական պարբերականի իրական գործունեության հիմքում: Հայ մամուլը պետք է ընդօրինակի «Մեղվին»,— ուսուցում էր նա: Ավելին. նախնայանը իբրև բացառություն իր գրական ստեղծագործության մեջ հատուկ «Ուղերձ» հղեց առ Մելուխյան-Սրվաճյանը՝ փառաբանելով նրա գործունեությունը, նաև ուրվագծելով հրապարակախոսի իրական կերպարը՝ նույնպես արժանի ընդօրինակման, սիրո և օրհնանքի.

Ո՛վ հոգաց, ո՛վ վազեց լսել ազգի հռնչուն,
Ո՛վ ներկա նորա մոտ, երբ փչում էր նա հոգին,
Ո՛վ սրբեց նեղվածի ախտասուք աչքերից,
Ո՛վ ողբաց, բողոքեց, երբ խլեցին հաց որբից,
Քնած էր ամիրան, աչք փակած և դիտող,
Ի ժամու, տարածամ դու հղար միայն օգնող (հ. 1, էջ 100):

Գրեթե նույնքան ջերմ ու համակրական է նախնայանի վերաբերմունքը ականավոր հրապարակախոս Ստ. Ոսկանյանի և նրա հրատարակած դեմոկրատական «Արևմուտք» հանդեսի նկատմամբ: Նա ողջունում է «Արևմուտքի» հրատարակությունը, ստանձնում է նրա գործակալությունը Ռուսաստանում, «առ ի սրտե հրապարակական» շնորհակալությամբ է վարձատրում հանդեսին, նրա գիտնական խմբագրին, որ «ունի բանաստեղծական ճոխ քանքար», համերաշխվում է նրա բողոքին ընդդեմ ինքնակոչ երեսփոխանների, ցասումով դատապարտում է «Արևմուտքի» դեմ հարուցվող թշնամանքը և Ոսկանյանի նախորդ հանդեսի՝ «Արևելքի» դարանագործությամբ խափանելը, դրվատում է «ազատախոս հեղինակի» գործունեությունը, մերկացնում է արեղայական հալածանքները ճշմարտության օրգանի հանդեպ: Արտասահմանում գտնվելով, նախնայանը մտերմություն էր հաստատել Ստ. Ոսկանյանի հետ, մոտիկից ծանոթացել «Արևմուտքին», նպատակ ուներ նրա համարները հավաքել ու հետը բերել, առանձին համարներ Փարիզից ուղարկել ի Ռուսաստան՝ իր բարեկամներին ու մերձավորներին, իսկ Պետերբուրգ վերադառնալով՝ հատուկ նամակ է հղել «Արևմուտքին»՝ ստանձնելով նրա պաշտպանությունը չղազարող հալածանքներից՝ «քաջալերություն և համակրու-

թյուն» տալով հրատարակողներին⁴։ «Մեք շուտով մանրամասն կխոսենք Արևմուտքի մասին»,— երկրորդ անգամ խոստանում էր Նալբանդյանը, Ցավոք նա չի կարողացել իրագործել իր ծրագիրը, պահպանվել են լոկ ծոցատետրի «գրելիք» նշումները՝ ապագա հոգվածի ծրագիրը, բավական լայն ու խոսուն։

Մեծ հրապարակախոսի, հեղափոխական-գեմոկրատի այդչափ սրտամոտությունը «Մեղուի» և «Արևմուտքի» ու նրա գեմոկրատ-հրապարակախոս-խմբագիրների նկատմամբ, որով, ի դեպ, պայմանավորված է «Հյուսիսսփայլ»—«Մեղու»—«Արևմուտք» խոստումնալի գործակցությունը, տոգորված էր նրա մեծ մտահոգությամբ՝ զարկ տալ հայ գեմոկրատական մամուլին ու հրապարակախոսությանը, ծրագրային մի խնդիր, որ Նալբանդյանին մասամբ միայն հաջողվեց իրագործել։

Այստեղ հնարավոր եղավ անդրադառնալ հայ մամուլի և հրապարակախոսության նալբանդյանական մի քանի ըմբռնումներին միայն, Թեման, անշուշտ, արժանի է ավելի հանգամանալի լուսաբանության, որ հնարավոր է Նալբանդյանի ամբողջ գրավոր ժառանգության մանրակրկիտ ուսումնասիրությունից հետո, Արդեն ասվածին միայն ավելացնենք հետևյալը. մամուլի և հրապարակախոսության դերի և խնդիրների քննությանը Նալբանդյանը մտադիր էր նվիրել նաև առանձնահատուկ ուսումնասիրություն, Նալբանդյանի «Ծոցատետրի նկատողություններում», որպես «գրելիք», հանդիպում է այսպիսի գրառում. «օրագիրների ներկա վիճակը։ Նոցա ինչպես լինելու պարտականությունը» (հ. 4, էջ 275)։ Լոկ այս գրառումն արդեն ցույց է տալիս, որ Նալբանդյանը մտադիր էր ընդարձակորեն անդրադառնալ հայ մամուլի ընդհանուր վիճակին և, որ առավել կարևոր է, շարադրել պարբերական հրատարակության խնդիրներն՝ իր ըմբռնմամբ։ Անշուշտ, դա լինելու էր նրա արժեքավոր երկերից մեկը, որ ամփոփելու էր իր գրեթե տասնամյա փորձն ու աշխատակցությունը մամուլին, լինելու էր ժողովրդատական ու հրապարակախոսական մի բեղուն գործունեության հանրագումարը։ Ցավոք, ինչպես ենթադրում են Մ. Նալբանդյանի երկերը ծանոթագրողները, «վերահաս իրադարձությունները զրկեցին» Նալբանդյանին դեռևս 1860 թ. գարնանը ծրագրածը իրագործելու հնարավորությունից։

Սակայն մեզ թվում է, որ այդ ծրագրի հետ ուղղակի առնչություն ունի Նալբանդյանի մեղ հասած այն ինքնագիրը, որ կրում է «Երկու խոսք, թե ինչպես է մեր հայացքը մի օրագրի պաշտոնականատարության մասին» (հ. 2, էջ 395—403) խորագիրը, թեև նրա գրության հավանական թվականը համարվում է 1864-ը։ Հավանական է ենթադրել, որ այն գրվել է բանտում և հեղինակի գրչին պատկանող վերջին գործերից մեկն է, եթե ոչ վերջինը, որ, ցավոք, մեր կարծիքով մնացել է կիսատ կամ մեզ հասել միայն նրա առաջին մասը։ Անկախ այդ ամենից ձեռագիրը վկայում է, որ Նալբանդյանը ձեռք է զարկել հայ մամուլի խնդիրներին նվիրված լայն ընդգրկումով ուսումնասիրություն գրելու գործին, գրել է նրա առաջին հատվածը, որից և հայտնի է դառնում նրա հետաքրքրության շրջանակը։

Նալբանդյանի խոսքը, ինչպես գրում է հենց առաջին տողերում, վերաբերելու էր ոչ թե, այսպես ասած, հյուսիսային-մասնագիտական մամուլին.

⁴ Այս առթիվ տե՛ս Մ. Նալբանդյան, Ելժ, հ. 1, էջ 297, 410, 429—430, 438—439, 451, հ. 4, էջ 62, 275, 276 և «Արևմուտք», 1859, էջ 185—186.

այլ նրանց, որոնք «դնում են կամ ուզում են դնալ միտին ճտնփով, ընդհանրապես»: Ազգի վիճակը հնարավորութիւնն լի աալիս մասնադիտական պարբերականներ ստեղծելու և պահպանելու: Ուստի և նա նպատակ ունի քննելու այն հարցը, թե «ինչպես պիտի լինեն ինքը իրեն» հայ մամուլը. կարեոր մի հարց, որը եթե չենք սխալվում, միայն նախնականին է լրջորեն դրադեցրել: Հստ որում նա խնդրով դրադվում էր այն ելակետից, որ շարունակ խոսվում էր այն մասին, թե «ինչպես չալիտի լինեց» այս կամ այն օրակարգի, քննադատական դիտողութիւններ էին արվում «Հյուսիսափայլի» շուրջը և հենց իր՝ նախնականի հասցեին՝ առանց, սակայն, ցույց աալու, թի ինչպիսին պետք է լինի պարբերականը, թե ինչպես պետք է գրել:

Նպատակ ունենալով պատասխանել այդ դիտողութիւններին, որ նախնականը համարում է «հանցանքներ», նա առանձնացրել է մամուլի դրվածքին վերաբերող երեք կարեոր հարց՝ ա) լեզուն, բ) նյութերի ընտրութիւնը, գ) ազգային նյութեր շունենալու: Այս երեք արմատական հարցերի քննութիւնը նախնականին անկասկած երեան կհաներ պարբերական հրատարակութիւնի դիմագծի իր ըմբռնումների համայնապատկերը: Առաջին հարցի համակողմանի և նախնականական անաշառ քննութիւնը ցույց է տալիս, որ սկսված ուսումնասիրութիւնը վիճակված էր լինելու հայ մամուլի աեսական հարցերին նվիրված անդրանիկ գործը: Սակայն ձեռագիրը, դժբախտաբար, ընդհատվում է հենց պարբերականի լեզվի հարցերի քննութիւնը:

Սեր մամուլը ու հրապարակախոսութիւնի մեծ երախտավորը, այսպիսով, իր ժրաշան դործունեութիւն հեա միատեղ տեականորեն քննել է հայ մամուլի խնդիրները, առաջադրել, հիմնավորել ու պաշտանել սկզբունքներ, որոնք նպաստել են հայ առաջադիմական—դեմոկրատական մամուլի լինելութիւնը: Նա ըստ էութիւն հայ մամուլի ու հրապարակախոսութիւնի հարցերի առաջին տեսարանն էր:

М. НАЛБАНДЯН О ЗНАЧЕНИИ ПЕЧАТИ И ПУБЛИЦИСТИКИ

МИКАЕЛ АКОПЯН

Резюме

Революционер-демократ М. Налбандян в своих сочинениях важное значение придавал вопросам армянской печати и публицистики, их роли в общественной жизни; он неустанно боролся за утверждение передовых принципов в армянской печати. К вопросам роли и значения печати и публицистики в жизни народа он обращался неоднократно: он развивал и защищал те принципы, которые фактически легли в основу армянской прогрессивной печати в течение второй половины XIX в. По существу, М. Налбандян положил начало разработке теоретических вопросов армянской печати и публицистики в период их становления.